



Tuhaqtauyukhaq

Ministat Katimayiit katimayut ihuaqharahuaqhugu qanurinnikhamik hivuniptingni

IQALUIT, Nunavut (Saptaipa 15, 2010) – Ihuaqhainahuaqhuni qanurinnikhamik hivunirmi, pilaaqtunik pinahuaqtanik inirlugit uvani kavamatakut piyakhainni, uqautigilluaqtaat uvani ukiumi pingahuni upluni Ministat Katimayiita Ihumakhaqhiuqatigiingniani. Ministat Katimayiita Ihumakhaqhiuqatigiingnia pivagaat Saptaipa 13mit 15mut Iqalungni.

”Talvani hivulliani piyakhavut, aullaqtiqtugut katimapluta naalakhugit Nunavunmiut, piliuqhugit hivulliuyukhat, tun’ngavikhaanik pipluta piyakhapta, *Tamapta/CL^{SC}: Atauttikku Hivunikhaliurniq*. Kavamakput ihumagilluaqtait hivulliuyukhat piyaangani nakuuyunik hiviyuunngittunik hivituyuniklu atuqtakhanik pivalliatjutikhainnik tamaat nunap,” uqaqtuq Hivuliqti Eva Aariak

Taamna hivulliq Ministat Katimayiita Ihumakhaqhiuqatigiingnia (2008mi) piliuqhimagaluaqtaqtilugit 20-ni ukiuni takuyumayaminik, uuma ukiup pilluarahuaqtait tatja atulirnianik uqautigiyauhimagit pilaaqtat. Ministat Katimayiit havaqatigiingniaqtut tunihilutik nunallaat qiqumavikhainnik niqiqarvingnik tamainni 25ni nunallaanut, ikayurlugillu anguniaqtit; hakugikhipkarahuarlugit nunallap inmigut ikayuriangani akiliqtuilutik akhaluutitik; ikayurlugillu nutaqqavut nakuuhilugit uplaami tupauttaqturviat, pilluarutigilugit angayuqqaat ayunngitakhait, amigaiqpallialugillu nutaqqiqiviit.

Hivituyut tikinnahuaqtat ilalgit upalungaiyarnirmik angiglivallianianik Nunavutip maniliurahuarniata, inugiakhivallianialu, pihimmaarahuarluni ihuaqtumik, ikayulaaqtumik kavamatkunni havaktinik. Ministat Katimayiit angiqhimayut aatjikkiiktunik havaqattannigillutik Kavamaani Nunavut, ikayurlugu inugiakhivallianiq, inuqanngittullu havaakhat ihuaqharlugit. Hamna nakuuyumik aturniaqtuq atuni havaamik havakvingni ihumagilluarlugit takuyaqtuqtaulraaqtayuktut, ihuiqtihiimattumik atuqtaminik. Angiglivallianiq manikkut paannarinuq Kanatap kavamainnut, Inuit timigiyainnut nanminiaqtuniklu paannaqarniq hivulliutumayait.

Ilagiplugu haffuma Ministat Katimayiita Ihumakhaqhiuqatigiingniinnut, Hivuliqti Eva Aariak uplumi uqaqtuq aallannguqtunik Ministat Katimayiinnut, ihuaqhriangani munariyakhait atuqtakhat aippaanut kavamatkut piyakhainni.

“Iitariyakhayut ikayuutit iniqhimayaillu nunapta quviagilugillu iniqtirihiimayaut. Ilihimayunga tamapta tikinniaqtavut pinahuaqtauvut. Uqaqatigiumayatka Ilauyut Maligaliurvingmi, tamaitalu Nunavunmiut, uvuuna naunaiyaqhimayut qanuriliurutikhat piliqtavut tamapta upalungaiyariami nakuuyumik quvianaqtumik hivunikhhamik piyaangani,” uqaqtuq Hivuliqti Aariak.

**Iliutihiamyut: Titiraqhimayut Iniqtauhimayunik 2010
Titiraqhimayut Aallnguqhimayunik Ministat Katimayiinnut**

###

Tuharumaguvit Hivayatjavat:

Emily Woods
Tuhaqtakhailiqiyitkut Titiraqtia
Hivuliqtip Havakvia
867-975-5059

